

3. (b) Idjuhikhailu, Havaariyakhailu Taapkununga Katimayiyunut Tunngavilgit Pivallidjutilingnit

- Katimayunut ilauqattarlutik ikayuqtuinahuarlutik uqarilugit ihumagiyait, ihuarutaunahugiyait, ihigiyailluunniit uqaqatigiiktillugit niqikhaqaqtinahuarnirmut Nunavunmi.
- Hannaiqhimanahuarlutik katimadjutauniaqtunik, ihumaliuriiqhimalutiglu uqariyakhainniglu naunaiqhimanahuarlutik katimaniaqhimalirumik.
- Tunihiqattarlutik ihumaliurutikhanik, uqaqatigiiktunullu ilaunahuarlutik Katimayiyunut katimadjutiinut tikinnahurlugit ilitariyayut havaakhat taapkunani *Nunavut Niqikhaqaqtinahuarnirmut Havaariyakhaiuqhimayunut*
- Ikayuqtuilutik tuhaqtitinikkut hulidjutaayunut taapkunanga Katimayiyunit tuharnaarutauluqhumayuq maliglugu.
- Kaimayiuqatauyut uqaqatigiikhimaarlugit ayurnaittumik aulapkainahuarlutikhaannik, munaridjutikhaaniglu niqiqkhaqaqtinahuarniq pidjutautiluglu, havaakhariyayullu.
- Iilitarilugillu Nunavut iluani nunallaani atuqtauyut niqiqkhaqaqtinirmut, ikayuqtauhimaaqublugit Katimayiyunit.
- Aallatqiillu hulidjutaayut niqiqkhaqaqtinirmut pidjutaayut tuhaqtilugit Katimayiyut ilihimayakhainnik
- Katimayiyut hulidjutait mihigihimanahuarlugit, quviahuutigilugit ikayurningit, uqauhingit, pivallidjutigiyaillu.

4. Nunavut Niqikhaqaqtinahuarnikkut Katimayiiita Ilauyut

Ilauniq Nunavut Niqikhaqaqtinahuarnirmut Katimayiiit angmaumayuq, ikayurumanahuaqtunut kitkutuinarnut Nunavut Pivallidjutiqaqtunut, ayauqtuiyumayunik hulidjutaayunut niqikhailluurnirmut Nunavunmi. Taapkuat Pivalliyut tiliurniaqtut atauhirmik ilauyukhamik timigiyamingnit katimapkainahuaqtuqaraangat, angiqatigiiktuqarniaraangallu.

Ilauyumayut Katimayiyunirmut ikautaaqtut ukuat maliglugit:

Ilauyumadjutiit Naunaiqhimalugit

Katimayiyuq kinatuinnaq taihittaaqtuq ilauyumayumik Nunavut pivallidjutaayumit ihumagiyayukhamik Katimayiyunit. Pivallidjutilgillu inmingnik ilitaritquittaqtut ilauyumanirmingnut apiqqutiqarlutik Katimayiyunut Timingnaut.

Katimayiiita Angirninganut

Katimayiiit angiqhimaaniaqtut , qingihimalutigluuniit katimaqatauyayunik ilauyumayunik atautikkut ihumaliuqhimalutik, katimagaikpata tatqiqhiut tamaat katimatillugit ilauyumanirmingnut nainaitkutarlugit.

Nutqarniq / Taimaaqtitiniq Katimayiyunirmingnit Resignation/revocation of member organizations
Katimayiyuq taimaarumagumi taimaaqtaaqtuq Katimayiyunirmingnit titiraqhimalutik Katimayiyunut timinganut. Katimayiyuqatauyut Pivallidjutiim timinganit taimaaqtitaataaqtuq katimayunut upautiqatangitkumik sixinut katimadjutaayunut tukilirikhimayunut Katimayiiit katimadjutigiyainnut, tuhaqtitingitkumik Ikhivautayunut, Katimayiyunniit ilitaqhigumik ilaudjutingata ikayuqtuingitkumi ikpiguhungitkumilu katimaqatauninganut hulidjutinullu ikayuqtuingitkumi.

5. Nunavut Niqikhaqaqtinahuarnirmut Katimayiiit Ikhivautangit

Nunavut Tunngavik Timingat, taapkuallu Gavamauyut Nunavunmi tikkuahiniaqtut ikhivautauqatigiiktukhanik Katimayiyunut katimadjutiinnut.

6. Katimanirmut

Taapkuat Katimayiyut tatqiqhiut tamaat katimavangniaqtut talafuutikkut, imaalu atauhiugaluarumi atauttimiillutik ukiumi atauhirmi. Katimadjutingnit aallat katimavangniaqtut katimagiaqarumik, katimannaqhigaangallu. Katimayiyut akhuurlutik ilaunahuaqpaktukhayut katimagaigumik. Katimagaangatalu Ikhivautauqatigiiktuk ilauyukhautayuk.

Katimayiyut ilauhimayut himautikhamingnik ilitaqhittaqtut ilaulimaitkumik katimayunut.

7. Aajiiqatigiingniq

Aajiiqatigiingniq maligahuarlugu , Katimayit aajiiqatigiigahuaqpangniaqtut tamatkiumalutik angiqhimagaangata. Angiqhimangitkaangata, Angirutikhamingnik akhuurlutik havaqatigiiktukhayut ihuaqtumik naamagiyauniaqtumik. Angiqhimayungnairaangata titiraqhimaniaqtut uqaqatigiingnirmingnut aajiiqatigiigahuarutaannut.

8. Katimayiita Ikayutikhangit

Hivulliqtuiyut taapkununga Katimayiyunut hivulliuqtauyut Nunavut Tunngavitkunnit Timinganit, Nunavut Gavamaanillu. Havaakhaliurniq, katimadjutauyullu titiqqiqiniit, Hivumuarutikhaillu Havaakhaliurutauyullu munarininga, igalaangallu qaritauyakkut munarina, tuharnaarutiliurningillu, naunaiyaidjutauyullu, aallatqiilu ayauqtauniaqtut taapkununga Timiyunit.

9. Angirutayut Idjuhikhat , Ihivriurutauningillu

Idjuthikhaliurniq naamagiyauniaqtuq taapkununga Nunavut Niqikhaqaqtitinahuarnirmut Katimayiinnit. Angiqtauhimagumik, taapkuat Idjuhikharliurutauyut ihivriurutauniaqtut ukiuk malruk aniguraikpata nalaumainganut ihuaqtumik aulavalliahimaaqublutik.

Ihivriurutaunimayuyuk, Angiqtaublunilu taapkununga Nunavut Niqikhaqaqtitinahuarnirmut Katimayiinnit.

March 19, 2015

Nunavut Niqikhaqaqtitinahuarnimut Katimayiinni Ilauyut

- Arctic Cooperatives Ltd.
- Arviat Wellness Centre
- Nunavut Kavamanga
- Pitquhiliqiyikkut
- Pivalliyuliyikkut Ingilrayuliyiyitkullu
- Ilinniaqtuliyiyikkut
- Avatiliqiyikkut
- Kavamaliqiyikkut
- Nunavunmi Havagvia Katitirnirmut
- Inulirijikkut
- Kiinauyaliqiyikkut
- Munarhiliqiyikkut

- Maligaqliqiyikkut
- Nunavunmi Igluliqiyiryuat
- Iilitaqsinuq – Nunavunmi Titirariuqsajunut Katimayitl
- Iisaaqsiq Katimayit
- Kitikmeot Inuit Katuyikatigit
- Kivalliq Inuit Katuyikatigit
- Lateral Office
- North West Company
- Nunavunmi Ilingaiyainirmut Katimayit
- Nunavunmi Ilihaqpaallirvik
- Nunavunmi Pivalliadjutikhaliqinirmut Kuapaliisit
- Nunavunmi Qauyiharvik
- Nunavunmi Tunngavikkut Timinga
- Project Nunavut
- Qaujigiartiit Aanniartailinirmut Naunaiyaiyit Havagvia
- Qikiqtani Inuit Katuyikatigit
- Tukisigiavik Friendship Centre